



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1846**

MCCCLIII. Balthasar, Wilhelm und Christoph von Wenden und Werle  
verbinden sich dem Markgrafen Friedrich und nehmen alle ihre  
Besitzungen von diesem zu Lehn, am 21. Oct. 1415.

---

---

**Nutzungsbedingungen**

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

Meydburg vnd zu Bremen Ertzbischoffen, zu Hyldefem, zu Halberstat vnd zu Czwerin Bischoffen, vnsern Fursten vnd Lieben Andehigen, Den Hochgebornen zu Brunswig vnd zu Lünenburg Herczogenn, zu Düringen vnd zu Hessen Landgrauen, zu Myszen Margrauen, zu Stetin vnd zu Meckelnburg Herczogenn, vnsern Lieben Oheimen vnd Fürsten, Den Edelen Greuen zu Holsten vnd den herren von wenden, vnd auch allen vnd Iglichen Inwohnern der Marcke vber Odere vnd zu Bollwalde, vnsern Lieben getruwen, vnser gnad vnd alles gutt, Ehrwürdigen Hochgeborn Edeln vnd lieben getruwen, Wir haben dem Hochgeborn Fridrichenn, Burggrauen zu Nürnbergk, vnserm Lieben Oheimen, Rahte vnd Fürsten, besolhen, vnd vnser vollemachte gegeben, die Guldin opperphennige vnd andere vnser Rehte, Stewre, Zinse vnd velle, woran die findtt, oder wo von die kommen mögen, die vns als einem Römischen Kunige, von allen vnd Iglichen Juden vnd Judinnen in ewren Erzbistumen, Bistumen, Furstentumen, Landtgraffschafften, Marggraffschafften, Graffschafften vnd Herschefften wouhastiegen vnd gefessen, bis here geburet haben vnd furbazmere geburen werden, inczuoordern, vnd an vnser Statt vnd von vnsern wegen furbazmer vzuheben vnd inczunehmen, Als lang vnd wir ader vnser nachkommen An dem Riche Das nit wiederrüfenn, Als dan das vnser Kuniglicher Maieftatt briue, Im doruber gegeben, Clerlicher vzuweist, vnd begeren dorumb von euch allen vnd ewer iglichen befundern ernstlich vnd vestlich mit diesem Brieff, daz Ir hierinne willig syn vnd dem vorgeantenn Fridrichen vnd sinen Botten, die er dorin zu euch gemeinlich oder sundirlichen sendet, gunstliche furdernusse tun vnd bewisen, vnd von den euern tun vnd bewisen schaffen vnd bestellenn wollett, wo sich das gebüret vnd notdürftig sin wirdet, vnd bewiset euch auch herin, Als wir euch von des Rechts wegen funderlichen wol getruen, Vns vnd dem Riche, zu ehren vnd zu funderlichen Danck vnd liebe, Das wollen wir gegen euch vnd eur iglichen, der sich herinn williclichen erzeiget vnd finden lazzet, alle zyte gnediglich erkennen vnd bedencken. Geben zu Bafele, vnder vnsern Römischenn Kuniglichen Angehengtem Insiegele, Nach Christs geburte vierzehnhundert Jahre, vnd dornach in dem Funfzehenden Jahre, des negsten Montags vor sanct Jacobs tage, des heiligen czwelff Boten, Vnserr Riche, des Vngrischen in dem Nunvndczweinzigsten vnd des Römischen in dem Fumften Jahren.

Nach alter Copie, verglichen mit dem Riste 3 des Geh. Kab. Archives befindlichem Originale.

**MCCCLIII.** Walthasar, Wilhelm und Christoph von Wenden und Werle verbinden sich dem Markgrafen Friedrich und nehmen alle ihre Besitzungen von diesem zu Lehn, am 21. Oct. 1415.

Wir Walthasar vnd wir wilhelm, geprudere, vnd wir Cristoffer, Ir vetter, alle von Wenden vnd herrn czu Werle, Bekennen vnd tun kunt offenlichen gen allermeiglichen mit diesem briue, allen den, die In sehen oder horen lesen, fur vns vnd alle vnser erben, daz wir vns mit wolbedachten vereinten mute, guter vorbetrachtung vnd volkomen

Rate vnser Rette vnd lieben getruwen, vmb vnsern, vnser erben herschafft vnd lande bessern fride nutze vnd fromen willen, fur vns vnd alle vnser erben mit denselben vnsern herschafften, landen vnd luten genlich vnd volkomelich gesetzt haben czu den hochgebornen fursten vnd hern, hern fridrich, Marggraue czu Brandenburg, des heiligen Romischen Reichs Erczkamerer vnd Burggrauen czu Nurenberg, czu seinen erben vnd derselben landen der Marck czu Brandenburg vnd setzen vns czu Im mit crassest disz brieues, Also daz wir vnd vnser erben ytzunden vnd in kunfftigen ewigen czyten mit allen vnd ieglichen vnsern landen vnd luten, Mannen vnd Stetten, Sloszen vnd behufungen, nichts aufzgenomen, by denselben vnserm hern dem Marggrauen, seinen erben vnd landen der Marck vnd Irer hilffe czu allen iren kriegem noten vnd geschefften wider allermeniglichen getruwelichen bystendig geraten vnd beholffen czu sein ganz vnd nach aller vnser machte sein vnd bleiben wollen, on allerlay widerrufen, hulffrede vnd one argk, vnd sollen vnd wollen auch dieselben lande vnd lute der marcke czu Brandenburg getruwelichen, als ofte sein not wirdet, hanthaben schauern schutzen vnd schirmen gen allermeniglichen, glich vnsern eigenen erblanden vnd luten on geuerde: vnd daruff mit guter wissen, so haben wir recht vnd redlichen fur vns vnd alle vnser erben vnser herschafft ganz vnd alle vnser lande vnd lute nichts vtzgenommen von dem egenanten vnsern hern Marggrauen fridrichen czu rechten lehen empfangen, Also daz wir vnd alle vnser erben dieselben vnser herrschafft ganz vnd alle vnser lande vnd lute nichts vtzgenommen, wie daz nomen hot vnd haben mage, klein vnd groß sametlich vnd sunderlich, furbaszer ewichlichen von demselben vnserm heren dem Marggrauen sein erben vnd der Marckgrauschafft zu lehn haben vnd empfangen sollen vnd wollen vnd von ju vnd der Marckgrauschafft ewichlichen on alles widerrufen vnd widersprechen czu lehen gen sol vnd auch vnser czu rechte als ander Irer hern ganz mechtig sein sullen, vnd haben auch demselben vnserm hern rechte erbhuldung getan vnd mit guten trewen gelobt vnd czu den heiligen gefworen, desselben vnsern heren seinen erben vnd der Marggrauffschafft fromen czu werben, schaden czu wenden, Soliche vnser lehen getruwelichen, als dann lehenrechte ist, czu uordienen vnd In als vnsern rechten Erben vnd lehen heren getruwe, gewertig vnd gehorsam czu sein, das auch alle vnser erben vnd nachkomen an solichen herschafften landen vnd luten furbaszer ton vnd von einen yglichen Marggraffen, der dann in czyten ist vnd sein wirdet, entphahen, doruber Erbhuldung vnd vmb solicher lehen wegen globen vnd sweren sullen, als wir getan haben, on alle widerrede vnd on geuerde. Czu vrkund sind vnser Walthasars, Wilhelmes vnd Cristoffers gepruder vnd vettern von wenden obgenante eiginne Insigel fur vns vnd alle vnser erben an disen brif gehangen. Datum Berlin am Montag der Eylffthufend megde, Anno etc. XV<sup>o</sup>.

Nach dem Churmärk. Lehnscopialbuche XV., 113. — Der Schutzbrief des Kurfürsten für die von Werle ist in G. W. v. Raumer's Cod. cont. I, 61 mitgetheilt.